



29. november 2019

All. nr./notatnr.:  
2020-900-0002-1  
Sull./sagsbeh.: KJ/jh/oh

## **Angerlarsimaffik Neriusaaq pillugu nalunaarusiaq**

### **1. Aallaqqasiat**

Angerlarsimaffik Neriusaami (matuma kingornatigut Neriusaamik taaneqartartussami) Maniitsumiittumi misissuineq ilimasaarutigineqareersimasoq Inatsisartut Ombudsmandiannit misissuartortunit 22. aamma 23. maj 2019-imi ingerlanneqarpoq. Misissuineq taanna Ombudsmandip ataatsimut sulineranut ilaatillugu ingerlanneqarpoq, taamaalillunilu naammagittaalliummik aalajangersimasumik tunngaveqarani misissuinerulluni.

Misissuartortut tassaapput siunnersortit pisortaat Lasse Risager, fuldmægtig Kamilla Jensen aamma oqalutsi/nutserisoq Ole Heinrich Ombudsmandeqarfimmeersut.

Misissuinermi eqqartorneqartut ilaannaat nalunaarusiamti matumani ilangunneqarput.

Neriusaaq aamma Qeqqata Kommunia nalunaarusiaagallartoq manna pillugu oqaaseqaammik saqqummiussinissaminnt periarfissinneqarput. Neriusaap aamma Qeqqata Kommuniani ingerlatsiviup oqaaseqaataat allakkatigut 25. september 2019-imeersutigut tiguakka. Sulisuma ilaata kommuni Qeqqata Kommuniata oqaaseqaataa tunngavigalugu oqarasuaatikkut 31. oktober 2019-imi aamma 7. november 2019-imi attaveqarfigaa, kommunip nalunaarusiaq pillugu oqaaseqaatai itisilertinniarlugin. Sulisuma taassuma Neriusaami

pisortaqatigiit 8. november 2019-imi attaveqarfikai, Neriusaap oqaaseqaatai itisilertinniarlugit. Oqaaseqaatit taakku nalunaarusiami ilanngunneqarput.

## **2. Misissuinerup inatsiseqartitsinikkut tunngavia**

Ombudsmandip sulineranut inatsiseqartitsinikkut tunngavigisaq Inatsisartut Ombudsmandiat pillugu Inatsisartut inatsisaanni (matuma kingornatigut Ombudsmandi pillugu inatsimmik taaneqartartussami) nr. 7-imi, 1. juni 2017-imeersumiippoq.

Inatsisartut Ombudsmandiat Inatsisartunit qinerneqartarpooq, tak. Ombudsmandi pillugu inatsimmi § 1, imm. 1, sulinerminili Inatsisartunut attuumas-suteqarani, tak. § 6, imm. 1. Kalaallit Nunaanni Namminersorlutik Oqartussat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit siulliit.

Oqartussaasut inuillu Ombudsmandip sulinerani pineqartunut ilaatinneqartut inatsiseqartitsineq atuuttoq unioqqutillugu iliuuseqarnersut suliassaminnil- luunniit ingerlatsinerminnut atatillugu allatigut kukkussuteqarnersut sumigin-naanersulluunniit Ombudsmandip nakkutigisassaraa, tak. Ombudsmandi pil-lugu inatsimmi § 19, imm. 1. Ombudsmandi isornartorsiusinnaavoq, inassu-teqaateqarsinnaalluni sulihamillu paasinninnini aamma saqqummiussinnaallu-gu, tak. Ombudsmandi pillugu inatsimmi § 20.

Ombudsmandi pillugu inatsimmi § 16-imi oqaaseqatigiitsigut siullertigut aa-lajangersarneqarpoq paaqqinniffiit suliffeqarfiilluunniit Ombudsmandip suli- nerani pineqartunut ilaatinneqartut suulluunniit Ombudsmandip misissorsin-naagai. Taamatut misissuinermut atatillugu – Ombudsmandi pillugu inatsim-mi §§-ini 19-imi 20-milu aalajangersarneqartut saniatigut – Ombudsmandip pissutsit paaqqinniffiup aaqqissuussaaneranut ingerlanneqarneranullu tun-nasut kiisalu pissutsit paaqqinniffimmik atuisut pineqartarnerannut taakkulu pillugit ingerlatanut tunngasut inuppalaartumik misiggartumillu isiginnittaa-

seq aallaavigalugu naliliiffigisinnaavai, tak. Ombudsmandi pillugu inatsimmi § 16-imi oqaaseqatigiit aappaat.

### **3. Misissuinerup piareersarneqarnera ingerlanneqarneralu**

Neriusaaq misissuiaartussamaarnermik oqarasuaatikkut 25. marts 2019-imi ilisimatinneqarpoq, misissuinerlu pillugu paasissutissat amerlanerusut allakkatigut 2. april 2019-imeersutigut tigullugit. Neriusaaq tamatumunnga atatillugu qinnuigaara sulisut, najugaqartut ilaquaasallu tamaasa misissuissaarnermik misissuiaartortunillu oqaloqateqarnissamut periarfissaqarneranik ilisimateqqullugit.

Qeqqata Kommuniani ingerlatsivik misissuiaartussamaarnermik e-mailikkut 2. april 2019-imeersukkut ilisimatippara. Ingerlatsiviup misissuinermi alaper-naasertitaasutut peqataasinnaanera tamatumunnga peqatigitillugu neqeroorutigaara, tamannalu kissaatigineqarpat ilisimateqqullunga. Ingerlatsivimmit tamatumunnga atatillugu tusagaqanngilanga.

Paaqqinniffik najugaqartullu pillugit allakkatigut paasissutissat assigiinngitsut misissuineq sioqquillugu Neriusaamit tiguakka.

Neriusaami pisortaqtigiiit sinnisaat, tassalu pisortaq misissuineq qaammatinik pingasunik sioqquillugu atorfinitssinneqarsimasoq taassumalu tullersortaa, misissuiaartunit misissuinermi oqaloqatigineqarput. Taakkua saniatigut sulisut qulit najugaqartullu qulingiluat ataasiakkaarlugit misissuiaartunit o-qaloqatigineqarput.

Neriusaap initai misissuiaartunit aammattaaq misissorneqarput.

### **4. Neriusaaq pillugu ataatsimut oqaatigisassat**

Neriusaaq Qeqqata Kommuniata utoqqarnik paaqqinniffiutigaa.

A, B, C, D, E aamma F Neriusaap immikkoortortaqarfikai. Paaqqinniffik nاجاگارتونو 44-نۇت ئىسساقاپقۇق، تاڭكۈنەنگالۇ ئىسسىت مارلۇك ئۆلىساسى-  
تىت ئىسسااللۇتكى.

Immikkoortortaqarfiit A, B aamma C immikkoortortaqarfiupput nalinginnaasut najugaqartunut 20-nut inissallit. Immikkoortortaqarfik D puigortunngortunut naatsorsuussaasoq najugaqartunut arfineq pingasunut inissaqaqarpoq, immikkoortortaqarfiillu E aamma F paaqqutarisarialinnut naatsorsuussaapput najugaqartunullu 16-inut inissaqaqarlutik.

Neriusaami najugaqartut misissuinerup nalaani katillugit 44-pput, taakkanngalu najugaqartut sisamat innarluutillit pillugit inatsit tunngavigalugu inissinnejarsimasuullutik.

## **5. Ombudsmandip pingaarcerusutigut naliliinera**

Neriusaaq paaqqinniffittut najugaqartut toqqissisimanartunik avatangiiseqarnissaannik neqerooruteqarfiusutut pingaarcerusutigut paasisaqafigaara. Aamma paasisara unaavoq Neriusaami pisortaqtigii sulisullu suliassatik tunnusimalluarlutik unneqqarillutillu isumagigaat, najugaqartunullu pissaanermik atuinerup sapinngisamik annertunerpaamik pinaveersaartinnejarnissaa eqqumaffigisorujussuugaat.

Sulisut misissuartortunit oqaloqatigineqartut tunnusimarpasissuullutillu unneqqarissoorpasipput, paaqqinniffimmilu sulinertik ataatsimut nuannaralugu.

Najugaqartut qulingiluat misissuartortunit oqaloqatigineqartut Neriusaami najugaqarneq nuannarigitsik oqaatigaat.

Init kusanartuupput eqqiluitsuullutillu, nuannersumillu aaqqissuunnejarnismallutik.

Pissutsit arlallit oqaaseqaateqarnissannut pissutissaqalersippaannga. Taakku immikkoortuni tulliuttuni imm. 6-imit 11-mut allaaserineqarput.

## **6. Najugaqartut eqqiluisaarnermut atatillugu aalajangerlugit tigum-mineqartarneri**

**6.1.** Neriusaaq misissuineq sioqqullugu ilaatigut qinnuigaara paaqqinniffiup 2018-imi aamma 2019-imi januarimit martsimut pissaanermik atuisarneri pillugit nalunaarutini uannut nassiuteqqullugit.

Neriusaaq oqaatigaa paaqqinniffik piffissami taaneqartumi pissaanermik qu-leriarluni atuisarsimasoq. Pisut pillugit suliami allattuiffiit assilineri paaqqin-niffiup ilanngullugu nassiuppai. Suliami allattuiffinnit erserpoq pisuni qulini tamani timikkut pissaanermik atuineq pineqartoq, tassa najugaqartup uffarnissaa atisaasaluunniit taarsernissaat siunertaralugu aalajangiilluni tigum-minninneq pineqarluni.

Sulisup misissuinermi oqaloqatigineqartup misissuartortunut oqaatigaa najugaqartoq aalajangersimasoq ataaseq sapaatit akunnerannut marluk-pingasoriarluni aalajangerlugu tigummineqartariaqartartoq, nangiata taarsernissaat siunertaralugu. Sulisoq nassuaalluni oqarpoq tamanna pillugu nalunaarusiat ullut tamaasa allanneqartartut nalunaarutiginninnermilu immersugassat im-mersorneqartartut, paaqqinniffiullu najugaqartumut tassunga pissaanermik taamatut atuisarnissaakommunip akuersissutigisimaga.

Misissuartortut takusinnaavaat najugaqartup pineqartup nangiata taarserneqarnissaat siunertaralugu sapaatit akunnerata ataatsip ingerlanerani timikkut pissaanermik atuiffigineqartarsimanera suliami allattuiffinni qulaani taaneqartuni eqqaaneqarsimanngitsoq.

Neriusaaq pisortaa Qeqqata Kommuniani ingerlatsivimmut sianereerluni misissuinerup nalaani oqarpoq ingerlatsivik Neriusaami najugaqartunut pissaanermik atuisoqarsimanera pillugu nalunaarutinik tigusaqartarsimanngitsoq, ingerlatsivilluunniit Neriusaami najugaqartut pillugit pissaanermik atuisaneq pillugu inatsit tunngavigalugu aalajangiisarsimanngitsoq.

**6.2.** Utoqqaat illuanni najugaqartup, soorlu puigortunngortup, nammineq a-nartarfiliarsinnaanngitsup nangini taarseqqunngippagu pisariaqarneratut paaqqutarisinnaajumallugu isumassorsinnaajumallugulu pinngitsaalineqarta-riaqalersinnaanera paasilluarsinnaavara. Sulisulli najugaqartunut pissaanermik atuinermik inerteqqutaanngitsumik atuisarnissaat pissaanermillu atuine-rit taamaattut najugaqartut inatsiseqartitsinkut innarlitsaalineqarnerat pi-sariaqarneratut annertutigisumik mianeralugu pisarnissaat aalajangisuusu-mik pingaaruteqarpoq.

Utoqqaat illuanni sulisut najugaqartunut timikkut pissaanermik atuinissaan-nut periarfissaat pissaanermik atuisarneq pillugu inatsisikkut (isumaginnin-nermik suliassaqarfimmi pissaanermik atuineq pillugu Inatsisartut inatsisa-tigut nr. 1-ikkut, 21. november 2013-imeersukkut kingusinnerusukkut al-lannguiteqartinneqartukkut) aalajangersarnejarsimapput. Tamatuma sania-tigut ilimagisariaqarpoq pisuni aalajangersimasuni immikkut ittuni allatut a-jornartumik imminut illersortariaqarnermik tunngaviit tunngavigalugit pis-saanermik qaqtigooraluwartumik atuisoqartarsinnaassasoq.

Oqaatigaara utoqqaat illuanni najugaqartut ilaannaat pissaanermik atuisar-neq pillugu inatsimmi pineqartunut ilaatinneqarmata. Taamaalilluni pissaa-nermik atuisarneq pillugu inatsisip ilaa inunnut 18-inik taakkulu sinnerlugit ukiulinnut tunngasoq taamaallaat inunniq tarnikkut pissutsimikkut annertuu-mik ataavartumillu piginnaanikillisimasunik timikkut pinngitsaalii-nissamut pe-riarfissamik imaqarpoq, tak. pissaanermik atuisarneq pillugu inatsimmi § 3. Tassani ilaatiqut utoqqaat illuini najugaqartut puigortunngortut pisut qanoq issusiat apeqqutaatillugu pineqartunut ilaatinneqarsinnaapput.

Pissaanermilli atuisarneq pillugu inatsit aalajangersakkanik arlalinnik inuit i-natsit tunngavigalugu akuliuffigineqarsinnaasut ataqqinnittumik inatsiseqar-titsinermilu innarlitsaalii-nikkut illersorneqarsinnaasumik pineqartarnissaannik qulakkeereqataasunik imaqarpoq.

Pissaanermik atuisarneq pillugu inatsimmit siullertut erserpoq kommuni su-miiffigisaq inuup nammineq piumassutsi tunngavigalugu peqataatinniarlugu

periarfissanik tamanik atuisimassasoq, tak. pissaanermik atuisarneq pillugu inatsimmi § 30, imm. 1. Pissaanermik atuineq anguniakkamut aammattaaq naapertuuttuussaaq, tak. § 30, imm. 2, sapinngisamillu qajassuussinerpaamik sivikinnerpaamilu aamma pineqartunik najuuttunillu allanik sapinngisamik mianerinninnerpaamik pisassalluni, taamaaliornikkut pisariaqanngitsumik innarliisoqarnissaa ajoqusiisoqarnissaaluunniit pinngitsoortinneqarsinnaaqqullugit, tak. § 30, imm. 3.

Pissaanermik atuisarneq pillugu inatsit pinngitsaaliinernik inatsimmi erseq-qissumik taaneqarsimasuinnarnik atuinissamut aappaattut taamaallaat periarfissiivoq. Akuliunnerit taamaattut qanoq iliorluni qaqqugukkullu pisarnissaat pissaanermik atuisarneq pillugu inatsimmi allaaserineqarput.

**6.3.** Najugaqartup timimigut eqqiluisaarnissaa, matumani uffaaneq, atisanik nangimillu taarsiinerit ilanngullugit eqqarsaatigalugit, anguniarlugu timikkut pissaanermik atuineq, soorlu aalajangiilluni tigumminnинeq pissaanermik atuisarneq pillugu inatsimmi § 33-kkut erseqqvissumik aalajangersaavigineqarsimavoq. Aalajangersagaq taanna imaattunik oqaasertaqarpoq:

**“§ 33.** Kommunimi sumiiffigisami communalbestyrelsi qaqutigut aalajangiisin-naavoq najugaqarfittut ulluuneraniluunniit neqeroorummi pisortaq, imaluunniit sulisoq, pisortamit taamatut iliornissamut piginnaatinneqartoq inummik aalajangersimasumik tigumminnilluni pissaanermik [piffissami killiligaasumi; uanga ilanngussara] atuisinnaasoq, inuttut eqqiluisaarnermut atatillugu pineqartup isumassorneqarnissaata isumaginissaanut tamanna pisariaqarluinnartutut isigineqarpat. Inuttut eqqiluisaarnermut atatillugu pissaanermik atuinerup siunissami pinngitsoornissaa peqatigisaanik qulakkeerniarneqassaaq.

*Imm. 2. Imm. 1 naapertorlugu timikkut pissaanermik atuineq eqqiluisaarnermik pisuni tulliuttuni akuerineqarsinnaassaaq:*

- 1) Kigutinik saliineq.
- 2) Unngiarneq.
- 3) Qulinneq, uffarneq atisanillu taarsiineq.
- 4) Nuajaajartinneq kukiartinnerlu.
- 5) Nangernik nalequttanillu taarsiineq.
- 6) Amerissaaneq.

7) Ulussat iluini qarngullu iluani nerisat sinnikuinik peersineq.

*Imm. 3.* Kommunalbestyrelsip aalajangiinerani eqqiluisaarnermi pissutsit piviusut suut aalajangiinermi pineqarnersut erseqqissaatigineqassaaq.

*Imm. 4.* Aalajangersimasumik tigumminninnermut ikuutitut atortunik atuisoqasanngilaq, aamma aalajangersimasumik tigumminneriaaseq taamatullu iliornikkut anguniagaasoq imminnut naleqqiullutik atsikkutigiissallutik.

*Imm. 5.* Aalajangersagaq manna naapertorlugu timikkut pissaanermik atuineq piffissami qaammatit pingasut tikillugit sivisussusilimmi akuerineqarsinnaavoq. Kommunalbestyrelsi piffissamik sivitsuisinnaavoq, qaammatinilli 6-init sivisunrunngitsumik, pineqartumi eqqiluisaarnikkut pissutsit pitsaanerulersinniarlugit periutsit allat peqatigisaanik ineriartortinneqassammata, tak. imm. 2, oqaaseqatigiit aappaat.

*Imm. 6.* Inuup imm. 1 naapertorlugu siusinnerusukkut aalajangiiffigineqareersup tarnikkut pissutsimigut annertuumik ataavartumillu piginnaasakillisimanera suli ajorseriaateqaqqippat, pisuni eqqiluisaarnermut tunngasuni aalajangersimasumik tigumminnilluni timikkut pissaanermik atuinissamut akuersissut piffissamut qaammatit pingasut tikillugit atuuttussaq pillugu aalajangiisoqarsinnaavoq, piffissaq qaammatit 6 tikillugit sivitsorneqarsinnaalluni.”

Taamaalilluni timikkut eqqiluisaarnermut atatillugu aalajangiilluni tigumminneq najugaqartup kommunimi sumiiffigisaani kommunalbestyrelsip aalajangiinera tunngavigalugu taamaallaat pisinnaavoq. Aalajangiineq taamaattoq piffissamut killilimmut atuuttarpoq, tak. pissaanermik atuisarneq pillugu inatsimmi § 33, imm. 1-imi oqaaseqatigiit siullit.

Eqqortussaq anguniarlugu oqaatigaara kommunalbestyrelsip aalajangiinera allakkatigoortuussanersoq pissaanermik atuisarneq pillugu inatsimmi takuneqarsinnaanngitsoq. Inatsisilerinerli pillugu atuakkiani allaaserisanilu nalinginnaasumik ilimagineqarpoq aalajangiinerit annertunerusumik akuliuffisut, soorlu pissaanermik atuisoqarnissaanik aalajangiinerit, allakkatigoortuunissaat ingerlatsinermi ileqqorissaarnerup nassatarigaa. Niels Fengerip allallu atuakkiaanni “Forvaltningsret”-imi (2018-imeersumi) quppernerit 628 tullialu aamma Karsten Revsbechip allallu atuakkiaanni “Forvaltningsret – Sagsbehandling”-imi arfineq aappassaanik naqitertinneqartumi (2014-imeersumi) qupperneq 297 innersuussutigaakka.

Kommuni taamatut aalajangiissappat tunngavimmut ilaatigut ilaassapput ilaquaasut nakkutilliisoqarpallu nakkutilliisup iliuuserineqassamaartut pillugit oqaaseqaataat, tak. pissaanermik atuisarneq pillugu inatsimmi § 41, nr. 4. Kommunalbestyrelsip aalajangiinera Isumaginninnermi Naammagittaalliuuteqartarfimmut naammagittaalliuutigineqarsinnaavoq. Tamanna pissaanermik atuisarneq pillugu inatsimmi § 48, imm. 1-ikkut aalajangersarneqarpoq.

Pissaanermik atuisarneq pillugu inatsit pisunik pissaanermik atuinertalinnik nalunaarutiginnitarneq pillugu malittarisassanik aammattaaq imaqarpoq, ilaatigut § 53-imi, taannalu imaattunik oqaasertaqarpoq:

**“§ 53.** § 36 naapertorlugu najugaqarfissatut neqeroorummut tigutinneq pissaanermillu atuinerit assigiinngitsut tamarmik, ilanngullugit §§ 30-35, naapertorlugin pineqaatinut atatillugu pissaanermik atuinerit, najugaqarfittut neqeroorummit nalunaarsorneqassapput, kommunimilu sumiiffigisami communalbestyrelsimit Naalakkersuisunullu nalunaarutigineqassallutik.

*Imm. 2. Immikkoortoq III naapertorlugu nalunaarsuineq nalunaaruteqarnerlu pissaaq nalunaaruteqarnermut immersugassat immikkut ittut Naalakkersuisunit suliarineqartut atorlugit.”*

Pissaanermik atuisoqarnissaanik aalajangiisoqarsimangitsoq malittarisassat unioqqutinneqarpata imaluunniit akuliunneq illersuisariaqalernermut ajornartuulernermiluunniit pisinnaatitaanermut ilaatillugu pisimappat tamatumingga nalunaarsuineq ingerlaannaq imaluunniit iliuuserineqartup aallartin-neqarnerata kingornatigut kingusinnerpaamik ulloq ataaseq qaangiutsinnagu pissaaq. Tamanna pissaanermik atuisarneq pillugu inatsimmi § 54, imm. 1-ikkut aalajangersarneqarpoq.

Iliuutsit nalunaarsorneqartut kommunimi sumiiffigisami communalbestyrelsimit Naalakkersuisunullu ingerlaannaq kingusinnerpaamillu ullut pingasut qaangiutsinnagit nalunaarutigineqassapput, tak. pissaanermik atuisarneq pillugu inatsimmi § 54, imm. 2.

Pissaanermik atuinermik inerteqquaanngitsumik nalunaaruteqarneq akuliunneq pinialiartoq kingusinnerpaamillu ulloq ataaseq qaangiutsinnagu pissaaq,

tak. pissaanermik atuisarneq pillugu inatsimmi § 55, imm. 1. Iliuutsit imm. 1 tunngavigalugu nalunaarsorneqartut kommunimut sumiiffigisamut Naalakkersuisunullu qaamatikkaartumik nalunaarutigineqartassapput, tak. § 55, imm. 2.

Qeqqata Kommuniata oqaaseqaatai kommunip nalunaarusiaagallartoq tunngavigalugu nassiuppar, oqaaseqaatillu taakku sulisuma ilaata oqarasuaatik-  
kut 31. oktober 2019-imi aamma 7. november 2019-imi oqaloqatigiinnerni  
marlunni itisilertippai.

Qeqqata Kommuniata oqaaseqaatai imatut paasivakka najugaqartut timik-  
kut eqqiluisaarnerannut atatillugu timikkut pissaanermik atuineq pillugu aa-  
lajangiinerit pisariaqartut pinissaat aamma pissaanermik atuisoqarsimappat  
taakkua pissaanermik atuisarneq pillugu inatsit tunngavigalugit nalunaaruti-  
gineqartarnissaat kommunip isumaginiaraa.

Aammattaaq imatut paasivara kommuni nalunaarutiginninnernik pitsaane-  
rulersitseqataasunik nalunaaruteqariaaserlu sulisunut paassiumarneruler-  
sinniarlugu suliniutinik pisarisaqartunik assiginngitsunik aallartitsiartoq.  
Kommunip ilaatigut nalunaaruteqarnermi immersugassatut atugassat suli-  
sunut ilitsersuutiginiarpai.

*Neriusaap pissaanermik atuisarneq pillugu inatsimmi § 33 tunngavigalugu  
kommunalbestyrelsip aalajangiineranik peqarani najugaqartunik uffaaner-  
mut najugaqartullu atisaannik nangiinillu taarsiisarnermut atatillugu aalaja-  
ngiilluni tigumminninnikkut pissaanermik pisuni arlalinni akuttunngitsumik a-  
tuisarsimanera isorisariaqartutut isigaara.*

*Neriusaap pisunik taakkuninnga pissaanermik atuisarneq pillugu inatsimmi  
§§-t 53-imut 55-imut tunngavigalugit nalunaarutiginnissimanginnea isori-  
sariaqartutut isigaara.*

*Maluginiarparali Qeqqata Kommuniata oqaatigigaa aalajangiinerit pisaria-  
qartut pinissaat aamma pissaanermik atuisoqarsimappat taakkua pissa-*

*nermik atuisarneq pillugu inatsit tunngavigalugit nalunaarutigineqartarnisaat kommunip isumaginiaraa.*

## **7. Puigortunngortunut immikkoortortaqaarfimmi matumi toortakkat marluk**

**7.1.** Neriusaap initai misissuartortut misissuinermi alakkarterpaat. Misis-su-iartortut maluginiarpaat puigortunngortunut immikkoortortaqaarfimmi D-mi najugaqartup ineeraani aneerasaartarfimmut nunamut majuartarfilimmut matup silarliup killingani toortakkat ammalortut marluk ikkunneqarsimasut. Pisortaqtigii oqaatigaat matu matup tigummivia atorlugu ammarneqarsin-naassappat toortakkat marluk taakku ataatsikkut toorneqartussaasut. Pisortaqtigii aammattaaq oqaatigaat toortakkat taamaattut immikkoortortaqaarfimmi D-mi najugaqartut ineeraanni tamani ikkussorneqarsimasut.

Ineeqqami misissuartortut alakkagaanni paasinarsivoq toortakkat taakku a-serorsimasut.

Neriusaami pisortaqtigii misissuinermi oqaatigaat illup ilaa taanna sanaartorneqarnermili nalaani najugaqartunut puigortunngortunut naleqqussarneqarsimasoq, taamaalillunilu puigortunngortunut immikkoortortaqaarfik inerlu-gu sananeqarami toortakkanik marlukkaartunik taamaattunik pilersorneqarsimasoq. Pisortaqtigii nassuaallutik oqaatigaat puigortunngortut ilaannasa matu silarleq ammarniarlugu toortakkat atorsinnaagaat, sakkortuumilli puigortunngortut toortakkat atorsinnaanngikkaat. Pisortaqtigii oqaatigaat toortakkat paaqqinniffiup imaaliallaannaq peersinnaanngikkai.

**7.2.** Pissaanermik atuisarneq pillugu inatsit "matunik ammaassutit immikkut ittut"-nik taaneqartartut pillugit aalajangersakkanik arlalinnik imaqpaoq. Aalajangersakkat taakku imaattunik oqaasertaqarput:

**"31. [...]**

*Imm. 4. Najugaqarfittut ulluuneraniluunniit neqeroorummi pisortap, imaluunniit sulisup, pisortamit taamatut iliornissamut piginnaatinneqartup matunik ammaas-*

sutit immikkut ittut inummut ataatsimut arlaqartunulluunniit atorsinnaagai kom-munalbestyrelsi aalajangiisinhaavoq, imaappat<sup>1</sup>

- 1) inuup inuilluunniit arlallit najugaqarfittut ulluuneraniluunniit neqeroorummik qimatsinermigut/qimatsinermikkut timikkut annertuumik ajoquusernissamut immi-nut allanilluunniit ulorianartorsiortisilernissaa aarlerinaateqarpat, aamma
- 2) aarlerinaatip tamatuma pinngitsoortinnissaanut pisuni ataasiakkaani pissutsit tamanna pisariaqarluinnartippassuk, aamma
- 3) inatsimmi periarfissat sinneri kinguneqanngitsumik atorneqareersimappata.

*Imm. 5. Imm. 4 naapertorlugu matunik ammaassutinut immikkut ittunut ilaap-put matup tigummivii marloqiusat, matumik ammaanissamut marloriarluni toor-sineq assigisaallu. Iliuuserisaq imatut matumik parnaarinissutaassanngilaq, pi-neqartulli killilersugaananani ingerlasinnaaneranut atatillugu kinguarsaataassalluni, taamaasilluni sulisut maluginiarsinnaassammassuk pineqartoq anisoq.*

*Imm. 6. Imm. 4 naapertorlugu iliuuserisaq aallartinneqarpat, najugaqartut killi-lersugaanatik ingerlasinnaanerat mianeriniarlugu matumi kalerrisaarummik ik-kussisoqassaaq, taamaasilluni najugaqartut matumik ammaassummik immikkut ittumik namminneq atuisinnaanngisut matumik ammaanissamut pisariaqartita-minnik ikiorneqassammata. Najugaqartut imm. 4 naapertorlugu iliuuserinninner-mut ilaasut, aatsaat anitsaaliorneqarsinnaapput § 34-mi aalajangersagaq tamatu-ma peqatigisaanik atorneqarpat.*

[...]

**§ 41.** §§ 31, 33, 34 aamma 35 naapertorlugit kommunalbestyrelsip aalajangi-nerinut tunngavittut tulliuttut pigineqassapput:

- 1) piginnaanikillineq pillugu suliamut attuumassuteqartumik upternarsaatit pisa-riqartinneqartut,
- 2) pineqaatit aallartinnissaat pillugu aalajangiisoqarnissaa siunniunneqartinnagu isumaginninnikkut perorsaalluni ikuunneq paaqqutarinninnerlu pillugit paasissu-tissat,
- 3) piffissaq qanoq sivisutigisoq pineqaatit pisariaqarfissaattut naatsorsuutigine-qartoq pillugu paasissutissat, aamma
- 4) pineqaatitut eqqarsaatigineqartut pillugit ilaquuttat taamaattoqarpallu nakku-tilliisup oqaaseqaataat.

[...]

**§ 48.** §§ 31, 33, 34, 35, 36, imm. 2, 38, 39, imm. 2 aamma § 42, imm. 3 naa-

---

<sup>1</sup> Oqaatigaara § 31, imm. 4-p qallunaatuua kalaallisuualu imminnut naapertuitinngitsut. 2018-imi ukumoortumik nalunaarutinni immikkoortoq 5 innersuussutigaara.

pertorlugit kommunalbestyrelsip aalajangiineri Isumaginninnermi Naammagit-taalliuuteqartarfimmut apuunneqarsinnaapput.

*Imm. 2.* Inuk aalajangiinermi pineqartoq nammineq naammagittaalliuteqarsin-naanngippat, uiusup nuliaasulluunnit, ilaquitap, nakkutilliisup imaluunniit allap i-nummut pineqaammik pineqartumut sinniisup kommunalbestyrelsip aalajangiinera naammagittaalliutigisinhaavaat.

[...]

**§ 52.** Suliani pineqaatit § 31, imm. 1, § 31, imm. 4 aamma § 34 naapertorlugit aallartinneqarfigisaanni, pineqaatip atorneqarnerata ingerlaqqinnissaa kommuni-mit ataavartumik nalilersoqqinneqartassaaq, pineqaatillu aallartinneqarnissaanik kommunalbestyrelsip aalajangiineraniit kingusinnerpaamik qaammatit arfineq pi-nagasut qaangiutsinnagit nalilersoqqinneqassalluni.

[...]"

Tassani aamma ilaavoq iliuuserineqartup nalunaarsorneqartussaanera kom-munimilu sumiiffigisami kommunalbestyrelsimit Naalakkersuisunullu nalunaarutigineqartussaanera. Tamanna pissaanermik atuisarneq pillugu inatsimi § 53, imm. 1-ikkut, § 55-ikkut aamma § 57-ikkut erseqqinnerusumik aa-lajangersarneqarpoq.

Pissaanermik atuisarneq pillugu inatsit piareersarlugu suliani inatsisissatut si-unnersummi § 31 pillugu immikkut oqaaseqaatini ilaatigut makku oqaatigi-neqarput:

"*Imm. 5* pillugu

Parnaarsaativittut atortunik atuisoqaqqusaanngilaq. Aqqusinertigut angallanner-mi pissutsit ulorianartut atuussinnaapput, pinngortitami nunaminertat pineqartup tammarfigisinnaasai immikkut ittuusinnaapput, imaluunniit silap pissuserisinnaa-vai (isserujussuarnera kiarujussuarneraluunniit) atortunik taakkuninnga atuinis-samut tunngavissiisinnaasut, allat annikinnerusumik akuliuffiusut iluatsinngitsu-mik misilinnejareersimappata.

Taamaalilluni iliuutsimik taama annertutigisumik akuliuffiusumik matumik am-maassutitut immikkut ittutut ittumik iliuuseqalertigani, iliuutsinik annikinnerusu-mik akuliuffiusunik, soorlu inunnut kalerrisaarutinik sumiiffissiutinillu atuinerup misiliisoqareersimanissaata piumasaqaatiginera, matumut silarlermut matunik

ammaassutinik immikkut ittunik atuinissamut periarfissanut allannguutaanngilaq. Taamaalilluni najugaqarfittut neqeroorutit il.il. illutamikkut imatut aaqqissugaap-pata, innuttaasup nammineersinnaanngitsup najugaqarfimminit anilernera sulis-u-nit pisariitsumik takuneqarsinnaasunngorlugu, tamanna siunertamut naapertuu-tissaaq, taamaasilluni iliuusissat piffissaagallartillugu iliuuserineqarsin-naammata.

#### Imm. 6 pillugu

Kikkut tamarmik matunik ammaassutinik namminneq atuisinnaanngitsut atuinis-samut pisariaqartitaminnik ikiorneqassapput, innuttaasoq angerlarsimaffimminnit anitsaaliugaaneq pillugu aalajangersakkamut ilaatinneqartoq pineqanngikka-ngat."

**7.3. Isumaqpunga immikkoortortaqarfimmi D-mi najugaqartut ineeraasa matuini silarlerni matumik ammaassutitut toortakkat marluk ikkunneqarsi-masut pissaanermik atuisarneq pillugu inatsimmi matunik ammaassutinik im-mikkut ittunik oqartarneq tunngavigalugu matunik ammaassutitut immikkut ittutut isigineqartariaqartut. Tamatuma manna nassataraa, tassalu najuga-qartut ataasiakkaat eqqarsaatigalugit toortakkat atulersinneqarsimappata pissaanermik atuisarneq pillugu inatsimmi malittarisassat malinnejassat.**

Misissuartortut Neriusaami pisortaqtigiit imatut paasivaat toortakkanik marlunnik atuinerup inatsisikkut aalajangersaavagineqarsimanera pisortaqa-tigiit eqqumaffigisimanngikkaat, taamaalillutillu kommunalbestyrelsip ilaati-gut tamanna pillugu aalajangiineri pigineqanngitsut.

Qeqqata Kommuniata nalunaarusiaagallartoq pillugu oqaaseqaatai imatut paasivakka najugaqartut ineeraasa matuini silarlerni toortakkat marluk ik-kunneqarsimasut pissaanermik atuisarneq pillugu inatsimmi matunik am-maassutinik immikkut ittunik oqartarneq tunngavigalugu matunik ammaas-sutitut immikkut ittutut isigineqartariaqarnerannik naliliininni kommunip isu-maqatigigaanga. Aammattaaq imatut paasivara puigortunngortunut immik-koortortaqarfimmi najugaqartut ineeqqamik matuini silarlerni marlunnik toor-tagallit ataasiakkaarlugit pisariaqartumik aalajangiivagineqarnissaat kommu-nip isumaginiaraa.

Qeqqata Kommuniata sulisuma ilaannik oqarasuaatikkut 7. november 2019-imi oqaloqateqarnermini ilassutitut oqaatigaa Neriusaap matut nutaat eqqarsaatigalugit kissaatigisinnaasai kommunip Neriusaami pisortaqtigiinnik ataatsimeeqateqarnermini oqaloqatiginissutiginiarai.

*Isumaqpunga puigortunngortunut Neriusaami immikkoortortaqarfimmi na-jugaqartut ineeraanni matuni silarlerni toortakkanik marlunnik pissaanermik atuisarneq pillugu inatsimmi matunik immikkut ammaassutit pillugit malittarisassat paaqqinniffimmit malinnejannngitsut ikkussisoqarsimanera isorisaria-qartuusoq.*

*Maluginiarparali manna uannut paasissutissiissutigineqartoq, tassalu pissaanermik atuisarneq pillugu inatsit tunngavigalugu aalajangiinerit pisariaqartut pinissaat Qeqqata Kommuniata isumaginiaraa.*

## **8. Puigortunngortunut immikkoortortaqarfimmi matuni akkiuttartut**

Neriusaami immikkoortortaqarfimmik D-mik alakkarterinerminni misissuiartortut taamatuttaaq maluginiarpaat inimi ataatsimoortarfimmi matup silarliup marloqiusap qulaani akkiuttartoqartoq. Matumit silarlermit aneerasaartarfimmut anillattoqarsinnaavoq, tassanngaanniillu nunamut majuartarfeqarluni. Naatittarfeqanngilaq assigisaanilluunniit akkiuttartup naatiffigisinnaasaanik peqarani, akkiuttartulli saniani putut qinnilerfiusimasut erseqqilluinnarlutik.

Pisortaqtigiit alakkarterinermi ilisimatitsissutigaat akkiuttartoq naatinneqarsinnaasunngorteqillugu akkiuttarfiup iluarsanneqarnissaa utaqqigitsik.

Pisortaqtigiinnik sulisunillu oqaloqateqartarnerit tunngavigalugit misissuiartortut paasivaat matup akkiuttartoqarnerata immikkoortortaqarfimmi nاجاqtut puigortunngortut illorsorneqarnissaat siunertarigaa, utoqqaat illuanit namminneq anisinnaanissaat, taamalu ajutooriataarsinnaanissaat, pingitsoortinniarlugu. Misissuiartortut pisortaqtigiinnit aammattaaq paasivaat kommuni matup akkiuttartoqarnissaanik aalajangiinermut akuutinneqarsi-manngitsoq.

Paasilluarsinnaavara Neriusaami pisortaqtigii sulisullu najugaqartunik pui-gortunngortunik isumassuinerminnut atatillugu najugaqartut nakkutigineqaratik aneernerminni ajoqusinnginnissaat kissaatigimmassuk.

Taamaattorli immikkoortortaqarfimmi D-mi matumi silarlermi akkiuttartoqarnera pissutsit apeqqutaallutik pissaanermik atuineq pillugu inatsit malillugu "matumik ammaassutitut immikkut ittuusinnaavoq". Pissutsit taamaappata akkiuttartuliinermi suleriaaseq pissaanermik atuineq pillugu inatsimmi aala-jangersarneqarsimasoq malinneqartussaavoq. Tassani ilaatigut takuneqarsinnaavoq matumik ammaassummik immikkut ittumik atuisoqarsinnaanera-nut kommunalbestyrelsi aalajangiisartuusoq. Imm. 7.2-mi tamanna pillugu malittarisassanik siuliini sammisaqarneq innersuussutigaara.

Qeqqata Kommuniata allagai 25. september 2019-imeersut imatut paasi-vakka kommu ni isumaqartoq akkiuttartoq eqqartorneqartutut ittoq pissaanermik atuisarneq pillugu inatsimmi taamatut oqartarnertut tassaasoq "matumik ammaat immikkut ittoq". Aammattaaq imatut paasivara immikkoortortaqarfimmi D-mi inip ataatsimoortarfiup matuani silarlermi akkiuttartumik ikkussisoqaqqinnissa pisariaqartoq naliliisoqarpat pisariaqartunik aalaja-ngiisoqarnissa Qeqqata Kommuniata isumaginiaraa.

*Paasissutissiissutigineqartut maluginiarpakka.*

## **9. Pissaanermik atuisarneq pillugu malittarisassanik namminerlu aa-lajangiisinnaatitaanermut akuliunnerit allat pillugit ilisimasaqarneq**

Pingaarnertigut paasisakka ukuupput Neriusaami pisortaqtigii aamma sulisut najugaqartunut timikkut pissaanermik atuinerup sapinngisamik annertu-nerpaamik pinaveersaarnissa eqqumaffigisorujussuugaat, sulisullu timikkut pissaanermik atuinermut atatillugu suut inertequtaannginnerat ilisimagaat.

Najugaqartut qulingiluat misissuartortunit oqaloqatigineqartut tamarmik nassuaallutik oqaatigaat Neriusaap sulisuinit timikkut pinngitsaalineqarsi-manngisaannarlutik.

Pisortaqtigiit oqaatigaat sulisut nutaat Neriusaaq tassanilu sulineq pillugu quppersakkamik tunineqartartut, pissaanermillu atuisarneq puigortunngortnut immikkoortortaqarfuiup saniatigut immikkoortortaqarfinni allani atorneqarneq ajortoq. Neriusaami pisortaqtigiit sulisuma ilaannik oqarasuaatikkut 8. november 2019-imi oqaloqateqarnerminni nalunaarusiaagallartoq tunngavigalugu erseqqissarlugu oqaatigaa Neriusaaq tassanilu sulineq pillugu quppersagaq sulisunut tamanut tunniunneqartartoq, puigortunngortunullu immikkoortortaqarfimmi sulisut tamarmik taassuma saniatigut pissaanermik atuisarneq pillugu malittarisassat pillugit paasissutissanik tunineqartarlutillu taakku qanoq atorneqarnissaannik ilinniartinneqartartut.

Sulisulli misissuartortunit misissuineremi oqaloqatigineqartut arlallit oqaatigaat pissaanermik atuisarneq pillugu inatsimmi malittarisassat pillugit ilitserneqarsimanngisaannarlutik.

Pissutsit siuliini imm. 6-mit 8-mut eqqartorneqartut tunngavigalugit tamatumunga peqatigitillugu isumaqarpunga pisortaqtigiit sulisullu pingaartumik pissaanermik atuineq pillugu inatsimmi malittarisassanik akulerunnernut allanut aalajangiilluni tigumminninnerunngitsunut tunngasunik ilisimasaqarnerulernissaat pisariaqartoq.

Qeqqata Kommuniata allakkamini 25. september 2019-imeersuni aamma sulisuma ilaannik oqarasuaatikkut 31. oktober 2019-imi oqaloqateqarnermini oqaatigaa Neriusaami pisortaqtigiit sulisullu pissaanermik atuisarneq pillugu malittarisassat namminerlu aalajangiisinnaatitaanermut akuliuttarnerit allat pillugit ilitsersorneqassasut.

Qeqqata Kommuniata oqarasuaatikkut oqaloqatigiinneremi aammattaaq oqaatigaa pissaanermik atuisarneq pillugu periaatsip allaaserineqarnera kom-

munimi utoqqarnik paaqqinniffinni tamani atorneqartussaq kommunip sulia-  
rigaa.

*Paasissutissiissutigineqartut maluginiarpakka.*

## **10. Pujortartut pujuannik najuussuinissamut illersuineq**

Neriusaami pisortaqtigiiit misissuineq sioqqullugu oqaatigaat najugaqartut sulisullu putsumit pujorsunnimillu akornusersorneqartartut, assersuutigalugulu sulisut najugaqartut inaanni ikuutissagaangata tamanna ulluinnarni ajornartorsiutissaqartitsisartoq.

Pisortaqtigiiit misissuinermi oqaatigaat najugaqartut taamaallaat ineqqamini pujortarsinnaatitaasut, akornutaasullu najugaqartut pujortassagaa-  
ngamik ineqqamik matui matusaqqullugit silaannarissaaniartaqqullugillu qinnuigineqartarnerisigut paaqqinniffiup sapinngisamik killilersimaarniarsarisarai.

Pisortaqtigiiit aammattaaq oqaatigaat milluaasunik assigisaannilluunniit a-  
tortorissaarusersuisoqarsimanngitsoq, paaqqinniffimmulli uiguliussamik pu-  
jortartfimmik ineqqani pujortarnermut taartaasinnaasumik najugaqartut amerlanersaannit akuersaarneqartumik sanatitsiniarneq suliarigitsik.

Misissuartortut Neriusaap initaanik misissuinermanni inini ataatsimoorfiusar-  
tuni, pingaartumik inini allerni, tupap pujorsunnia erseqqissumik naamasin-  
naavaat.

Sulisut misissuartortunit oqaloqatigineqartut arlallit oqaatigaat sulinermanni tupap pujuanit akornusersorneqartarlutik.

Pujortartermik inerteqquteqarneq pillugu Inatsisartut inatsisaat nr. 15,  
26. maj 2010-meersoq (matuma kingornatigut pujortartarneq pillugu inat-  
simmik taaneqartartussaq) aalajangersakkamik imaattumik ilaatigut imaqr-  
poq:

**“§ 5.** Paaqqutarinniffittut angerlarsimaffinni, ulloq unnuarlu paaqqinniffinni, najaqarfissatut neqeroorutini, ilinniartut ineqarfíini assigisaannilu inunnit 18-it sinnerlugit ukiulinnit arlalinnit najugaqarfíineqarnerusuni namminerisamik angerlarsimaffittut atuuttuni najugaqartut ataasiakkaat 18-it sinnerlugit ukiullit ineeqqami inissiamiluunniit angerlarsimaffittut najugaqarfíisaminni pujortarsinnaapput.  
*Imm. 2.* Paaqqinniffik paaqqinniffimmi sulisut najugaqartullu allat pujortanngikka-luarlutik tupap pujuanik najuussuinissaannut illersorniarlugit sunniuteqarluartunik suliniuteqassaaq. Paaqqinniffiup najugaqartut peqqusinnaavai sulisut ineeqqami inissiamiluunniit namminerisatut angerlarsimaffittut atuuttumi isersimatillugit pu-jortartaqqunagit.”

Pujortartarneq pillugu inatsit piareersarlugu suliani § 5 pillugu immikkut o-qaseqaatini ilaatigut makku oqaatigineqarput:

“Sukumiisunik qulakkeerinermut tunngatillugu pisuni ataasiakkaani naliliineq a-peqqutaavoq. Ineeraq namminerisamilluunniit inigisaq pujortarfiusoq sullissiviup iluani init allat eqqarsaatigalugit soorunami matuneqarsinnaasuussaaq. Tamatuma saniatigut ineeqqat ataasiakkaat pujortareernerup kingornatigut silaannarissarne-qartassasut suliffeqarfiup peqqusissutigisinnaavaa.

Sulisut najugaqartullu sinnerisa illersorneqarnissaat qulakkeerniarlugu annertune-rusumik suliniuteqartoqarnissaa pisariaqartinneqarpat inini ataasiakkaani pisaria-qarneratut annertutigisumik silaannarissarfilersuisoqarsinnaavoq.

Pujortartut pujuannik najuussuineq pinaveersaartinniarlugu sukumiisumik qulak-keerisoqarnissaanik aalajangiinermi sullissiviup pisortaasa sulisut, isumannaalli-saanermilu suliniaqtigiinnik pilersitsisoqarsimappat, taakku ilaatisavaat.”

Neriusaap najugaqartunik ineeqqaminni pujortartartunik matuminnik matu-sisaqqullugit silaannarissaasaqqullugillu kaammattuisarnermigut pujortan-gikkaluarluni tupap pujuanik najuussuinissamik pinaveersaartitsiniarnera malugaara.

Misissuiartulli namminneq takusaat aamma pisortaqtigiit sulisullu paa-sissutissiissutigisaat tunngavigalugit naliliivunga iliuutsit taakku naammattumik sunniuteqanngitsut.

Qeqqata Kommuniata allakkamini 25. september 2019-imeersuni aamma sulisuma ilaannik oqarasuaatikkut 31. oktober 2019-imi oqaloqateqarnermini oqaatigaa Neriusaami ullukkut ornittakkamut uiguliussatut pujortartarfimmik pilersitsisoqarnissaq qinnuteqaatigineqarsimasoq.

Qeqqata Kommuniata aammattaaq oqaatigaa pujortartarneq pillugu inatsit pisortaqtigiinnut, sulisunut najugaqartunullu tamatuma saniatigut maluginiaqquneqassasoq, sulisut najugaqartullu pujortartut pujuannik najuussuinissamut illersorneqarnissaat siunertaralugu, taamatuttaarlu najugaqartut kaammattorneqassallutik sulisunik najugaqartut ineeraanniittoqartillugu pujortartaqqunagit.

*Paasissutissiissutigineqartut maluginiarpakka.*

## **11. Sulisut kiffaanngissuseqarlutik oqaaseqaateqarsinnaatitaanerat**

Sulisut Neriusaaq suliatillu pillugit inoqatinut attaveqaatitigut qanoq allassin-naatitaanersut misissuiartortut misissuinermi Neriusaami pisortaqtigiinnut apeqqutigaat.

Pisortaqtigiit nassuaatitut oqaatigaat sulisut paaqqinniffik pillugu inoqatinut attaveqaatitigut oqaaseqaateqaqqusaanngitsut. Taamaaliornikkut Qeqqata Kommuniata suliassaqarfimmi tassani ingerlatseriaasia malikkitsik pisortaqtigiit innersuussutigaat.

Sulisuma ilaata Qeqqata Kommuniani pisortaaneq misissuinerup kingornati-gut attaveqarfigaa. Pisortaanerup nassuaammik tassannga saqqummiussivigineqarluni oqaatigaa sulisut kiffaanngissuseqarlutik oqaaseqaateqarsinnaatitaanerat Qeqqata Kommuniata killilfersorsinnaanngikkaa, inoqatinullu attaveqaatitigut taamatut oqaaseqaateqarnissaq inerteqquaanngitsoq. Pisortaa-

nerulli ilassutitut oqaatigaa kommunip nalunaarut kommunimi sulisunut tamaniut 2015-imi nassiussimaga, tassanilu erseqqissarneqartoq sulisut nipa-ngiussisussaatitaanermanni pineqartunut ilaatinneqartut pillugit allaqusaangitsut.

Nalunaarutip 2015-imi nassiunneqartup assilinera Qeqqata Kommuniata uan-nut tamatuma kingornatigut nassiuppa.

Tamanna tunngavigalugu naatsorsuutigaara Neriusaami pisortaqatigiit kuk-kusumik paasinnillutik sulisut inoqatinut attaveqaatitigut paaqqinniffik pillugu allaqqusinngilluinnarsimanerat nalunaarummik 2015-imeersumik paatsuui-nermik tunngaveqartoq.

*Inassuteqaatigaara pisortaqatigiit sulisullu tamarmik pisortani atorfeqartitaasut kiffaanngissuseqarlutik oqaaseqaateqarsinnaatitaanerannut, matu-mani inoqatinut attaveqaatit ilanngullugit eqqarsaatigalugit, pingaerne-rusutigut tunngavinnik ilisimasaqalernissaat Neriusaap qulakkiissagaa. Justitsministereqarfiup pisortani atorfeqartitaasut kiffaanngissuseqarlutik oqaaseqaateqarsinnaatitaanerat pillugu ilitsersuutaata nr. 10062-ip, 28. oktober 2016-imeersup Justitsministereqarfiup nittartagaani www.jm.dk-mi pissar-siarineqarsinnaasup aallaaviginissaa Neriusaap isumaliutersuutigisinnaavaa.*

*Malugaara Qeqqata Kommuniata allakkamini 25. september 2019-imeersuni oqaatigigaa nalunaarummut 2015-imeersumut erseqqissaat kommunip nas-siunniaraa, sulisut kiffaanngissuseqarlutik oqaaseqaateqarsinnaatitaanerat pillugu paatsuuinerit pinaveersimatinniarlugit.*

## **12. Malitseqartitsineq**

Neriusaaq qinnuigaara sulisut, najugaqartut ilaquaasullu nalunaarusiaq manna pillugu ilisimateqqullugit.

Neriusaaq aammattaaq qinnuigaara nalunaarusiami immikkoortumi 11-mi oqaatigisakka qanoq iliuuseqarnissamut pissutissaqalersitsinersut paassis-

tissiissutigeqquullugu. Neriusaaq qinnuigaara paasissutissat taakku Qeqqata Kommuniani ingerlatsivik aqqutigalugu nassiuteqquullugit, taamaalilluni kommuni Neriusaap oqaatigisai pillugit oqaaseqaateqarnissamut periarfissaqarsinnaaqquullugu.

Nalunaarusiapi matuma assilinera Qeqqata Kommuniani ingerlatsivimmut aamma Isumaginninnermut Inatsisinillu Atuutsitsinermut Naalakkersuisoqarfimmut ilisimatitsissutitut nassiuppara.

Qeqqata Kommunia tamatumunnga atatillugu qinnuigaara puigortunngortunut immikkoortortaqarfimmi najugaqartut ineeqqamik matuini silarlerni marloriarlugit toorlugit matunik "immikkut ammaassutillit" ataasiakkaarlugit eqqarsaatigalugit kommuni qanoq iliuuseqarnersoq uannut paasissutisiissutigeqquullugu, matumani kommunip aalajangiineri ilanngullugit eqqarsaatigalugit. Nalunaarusiapi imm. 7 innersuussutigaara.

Nalunaarusiaq manna 2019-imi ukiumoortumik nalunaarusianni ilanngunneqarumaarpoq, nittartakkannilu [www.ombudsmandi.gl](http://www.ombudsmandi.gl)-imi tamanut saqqumiunneqarumaarluni.

## **Nalunaarusiamik malitseqartitsineq**

Allakkatigut 15. maj 2020-meersutigut nalunaarusiamut inaarutaasumut oqaaseqaatit uku Qeqqata Kommuniata uannut nassiuppari:

### **"2019-imi maajip 22-anii 23-anilu Neriusaamik alakkarterinermi nalunaarusiamut akissuteqarneq**

Angerlarsimaffik Neriusaaq pillugu nalunaarusiaq allagarsi normoqartoq 63033 j.nr. 2019-900-0025 naapertorlugu 2019-imi novembarip 29-anut akissuteqarneq Qeqqata Kommunia tullinnguuttumik malitseqartitsivoq.

Neriusaami aqutsisut sulisut ataatsimiisinnerini najugaqartunillu oqaloqatigin-ninnerminni paasissutissiinikuupput aammalu qanigisaanut nalunaarusiaq tigo-riaannangortinnikuullugu.

Neriusaami aqutsisut Atugarissaarnermut pisortamik oqaloqatiginninnermi paa-sissutissiissutiginkuuat tamanna ajornartorsiutaanikuunngisaannartoq, alakkarterinerup nalaani paatsooqatigiinnertut isigneqarpoq.

### **7. Puigortunngortunut immikkoortumi matunut toortakkat marloqiusat**

2019-imi novembarip arfineq-aappaanni oqarasuaatikkut oqaloqatigiinninnermi kommunip paasissutissiissutiginkuuaa Neriusaamik ataatsimeeqateqarnermi matoqarnermut nutaanik siunnersuuteqartoqassasoq. Siunnersuut taanna ingerlaqqissanngilaq, siunissami qaninnerusumi puigortunngortunut immikkoortortamik immikkullarissumik sanasoqassamat. Taamaattumik puigortunngortunut immikkoortortami matunut toortaatit marloqiusat qaminneqarput."

Sulisuma ilaat 3. juli 2020-mi Qeqqata Kommunianut sianerpoq paatsuuisi-manermut tunngatillugu kommunip Neriusaallu 15. maj 2020-mi akissutaat itisilertinniarlugu erseqqissartinniarlugulu. Tamatumunnga atatillugu kommunip ilisimatitsissutigaa immikkoortoq Neriusaamut oqaloqatiginnissutiginiarlugu allakkatigullu erseqqissaammik nassiussiniarluni.

Qeqqata Kommunia 10. juli 2020-mi allakkatigut nalunaarusiamni inaarutaa-sumi imm. 11-mut kalaallisut qallunaatullu erseqqissaammik uannut nassius-saqarpoq. Akissutip kalaallisuuani ilaatigut atuarneqarsinnaapput:

### **"Angerlarsimaffik Neriusaamiit akissut**

2019-imi maajip 22-ani 23-anilu Neriusaami alakkarterinermi nalunaarusiamut oqarausstikkut itisiliinissamik kissaateqartoqarnerani akissut.

Angeelarsimaffik Neriusaami misissuineq pillugu nalunaarusiamni immikkoortoq 11. Sulisut kiffaanngissuseqarlutik oqaaseqaateqarsinnaatitaanerat pillugu er-seqqissaat.

Siullermik erseqqissaatigerusupparput uaguttaaq isumaqaratta Ombudsmand-en pulaarnerani eqqartuunitsinni paatsoortoqarsimanera. Sulisut pisinnaatitaaf-fiinut tunngasumik.

Maani sulilertut nal. akunnermusiallit tamarmik atsiortinneqartarput nipangius-sisussaatitaanermut tunngassutilimmik. (Ilangussaq takuuk)

Assersuutigalugu sulisoq sulinermini sullitani assileriarlugu attaveqaatitigut (sociale medier, facebook, snap il.il.) inuttaa akuersiteqqaarnagu nittarsaan-ne-qassanngimmat. Tassani sullitaq pineqarmat.

Sulilertut ilisimatinneqartarput sullitatik pillugit ilisimalikkatik suliffiup avataani nipangiusimasussaatitaammata, imaappoq sulinermi pissutsit ilisimalikkatik sul-litanut suliffiup avataanut saqqummiuttassanngikkaat.

Suliffiup iluani sullitanut tunngasunik sulisut isummersinnaatitaapput oqaase-qaateqarsinnaatitaallutillu sulinerminni. Minnerungitsumik suliffeqarfiup ingerlaneranut siunnersuutinik, isummanillu saqqummiussisinnaatitaallutik tikilluaqqusaajuaannarmata."

Kommunip akissutaata kalaallisuuani aamma atuarneqarsinnaavoq:

"Una ilangussamiittooq link misissuataaratsigu paasinnilerpasikkatta qanoq isumaqarnersoq. Qanorli kalaallisut allassimasumik atuariaannagaqartuugutta,

taamaalitta sulinut nassuaatigalugu ajornannginnerusumik saqqummiussin-naassagatsigu.

[http://www.justitsministeriet.dk/sites/default/files/media/Pressemeldelser/pdf/2016/vejledning\\_om\\_offentligt\\_ansattes\\_ytringsfrihed.pdf](http://www.justitsministeriet.dk/sites/default/files/media/Pressemeldelser/pdf/2016/vejledning_om_offentligt_ansattes_ytringsfrihed.pdf))."

Sulisma ilaata Neriusaamilu pisortap tulliata 4. september 2020-mi nangil-lutik oqarasuaatikkut oqaloqatigiinneranni pisortap tulliata erseqqissarpaa pi-sortaqtigiiit misissuartortunik oqaloqateqarnerminni misissuartortut apeq-qutaat paatsoorsimagaat. Pisortaqtigiiit imatut paasisimavaat pissutsit nipangiussisussaatitaanerminnut ilaasut pillugit sulisut sunik allassinnaatitaaner-sut misissuartortut apeqqutigisimagaat – pisortaqtigilli tamatumunnga atatillugu nassuaatigismallugu sulisut inoqatinut attaveqaatitigut tamakku pillugit allaqquaanngitsut. Oqarasuaatikkut oqaloqatigiinnermi pisortap tulli-ata nassuaatigaa pissutsit sulisut nipangiussisussaatitaanerannut ilaasut pil-lugit inoqatinut attaveqaatitigut sulisut allaqquaanngitsut.

Qeqqata Kommunia allakkatigut 11. september 2020-meersutigut nalunaar-figaara nalunaarusiami immikkoortunut 7-imut 11-mullu tunngatillugu kom-munip Neriusaallu oqaatigisaat maluginiarikka, taamalu Neriusaamik misissu-ineq pillugu suliaq inaarlugu suliarineqartutut isigigiga.

Ulloq taanna Qeqqata Kommunianut allakkama assilineri Neriusaamut nassi-uppakka.